

RG en scola: Situaziun giuridica intscherta

(rtr) Giuridicamain è la situaziun dal rumantsch en scola intscherta: D'ina vart ha il chantun la competenza da decider en tge lingua ch'ils meds d'instrucziun vegnan edids. Da l'otra vart han las vischnancas il dretg da fixar lur lingua da scola en la constituziun u en ina lescha communal – quai dentant mo en cooperaziun cun il chantun.

La constituziun chantunala na saja en quest cas betg clera, di l'antier president da la Dretgira federala *Giusep Nay*.

Dad ir la via giuridica cun ini-

ziativas communalas fiss fitg grev per las vischnancas. Giusep Nay vesa la suletta pussaivladad per sa dustar encunter il rumantsch grischun en scola cun cooperar cun il chantun.

La via da l'uniun «Pro Idioms» n'è tenor Nay betg la dretga. I stà meglier da furmar in'opposiziun ensemen cun l'Uniun dals Grischs e la Surselva Romontscha. Il mument na sajan ils Rumantschs betg unids e perquai n'hajan ins betg la forza da preteneder dal chantun ina meglra politica da linguas, di Giusep Nay.



La via da l'uniun «Pro Idioms» n'è tenor Giusep Nay betg la dretga.